



شنهو آخر هالمشاعر؟!

لكن الصبح بيحي..
وبيفرقنا أكيد
ويمحي اللي كان ظاهر!
أنا وانتِ وردتين..
لو تسامينا.. عطر..
لكن المجد للخناجر!
أنا وانتِ موجتين
ضد تيار القبيلة
ضد ابو جهل وقريش
ضد دمه ق المحاجر
أنا وانتِ.. شراع سفينه
والرياح.. تنهي وتامر
أنا وانتِ..
نؤمن إن الحب صلاه
في زمن بالحب.. كافر
أنا وانتِ..
ندري لازم نفترق
كان مهو اليوم.. باكر
حنا ندري..
بتنجرح فينا الخواطر
وقد النهايه..
بينكسر فيك النهار..
وينذب في قلبي.. شاعر

شنهو آخر هالمشاعر؟!
شنهو آخر فرحتي..
شنهو آخر دمعك..
شنهو آخر شوقي لك..
شنهو آخر لهفتك..
شنهو آخر القصيد..
اللي في صدر الدفاتر؟!
أنا أدري..
إنك أجمل من فتني
وانك أغلى.. حب سكتي
إنتي خليتي غصوني الصفر..
تشرّب..
من حلى ماك.. وتغني
وأنا أدري..
إنك انتي.. شي مني..
شي يسوي الروح.. طاهر
بس قولي..
شنهو آخر هالمشاعر؟!
لا أمل عايش معانا..
لا رجاوي..
لاصبر.. والياس صابر!
أنا وانتِ نجمتين
مهما تجمعنا سما..
وليل ساهر

شنهو آخر هالمشاعر؟!
قد النهايه..
كل واحد فينا بيروح بطريق
ويبدأ ليل وماله آخر
بينكسر فيك النهار
وينذب في قلبي.. شاعر
قد النهايه..
يفتح عيوني في يوم..
وما القا بغيوني.. عيونك
لا خننك..
لادقا ايديك.. ولا..
وجهك..
ولا حتى بيبقي فيني.. شي منك
إلا ذكرى..
تشعل اللج وتكابر
ماقيه شي بيبقي فينا من
هوانا..
لازلنا
لاعتنا
لاسيرونا
لا فرحنا..
لا.. ولا وزد الجروح
كله ياعمري بيروح
كنه ماكان عمره حاضر!



مسفر الدوسري

صورة وتحليق

لازال الرحلة كما مستمرة
تتركه يافهدا بالبر الحليف
تروفل روف الزمن مستقرة.
الامس نفس اليوم لاتقول كيف

محمد الخشيبان



عطني وعد

. شمسك ظلام وأشواق نار
عطني وعد واخلف حبيبي لا تجي
لو بالوهم احلف لاضحك من تجي
خذني معاك وارحل بعيد
روحي انا طافت مسافات الصبر
تعبت تنادي لك يالله تعال ..
يالله تعال
وعد السحاب مطره .
وعد الربيع خضره وعد
الحبيب عشره
ليلك نهار .. شمسك ظلام وأشواق نار
عطني وعد واخلف حبيبي لا تجي
لو بالوهم احلف لاضحك من تجي
خذني معاك وارحل بعيد

علي الشرقاوي

خذني معاك وارحل
إرحل بعيد
لحظة هواك أجمل
واخلي قصيد
أه يا وعد ..
... صحبة أنا وياك روح في جسد
كل ما اقرب تتبعد
وانت ولا همك ابد
عطني وعد واخلف حبيبي لا تجي
لو بالوهم احلف لاضحك من تجي
خذني معاك وارحل بعيد ...
واعدتنني وأنا محطات العمر تنظر مشاويرك
ما همها طول انتقار
انت البعيد انت .
. وانت القريب انت
كيف التليك وانت ليلك نهار .

